



01. oktober 2019

UKA2019/152

Uunga siunnersuut: Suliffeqarfiit innuttaasunik tapersersortarialinnik suliffissaqartitsisut nalunaarsugaasut pillugit Inatsisartut inatsisaat nr. xx, xx. xxx 2019-imeersoq.

(Aleqa Hammond, Nunatta Qitornai)

Nuannerpoq innuttaasunik immikkut tapersersortarialinnut suliffissaqartitsineq qulakkeerniarlugu inatsisissatut siunnersuut takullugu.

Nalunngilarput inuiaqatigiinni innuttaqatitta immikkut tapersersortariaqartut suliffeqarnikkut akuutinneqannginnerat inuttut pisariaqartinneqartutut allatuulli inuiaqatigiit ingerlarngani inissisimangitsutut misigisartut.

Immikkut tapersersortariaqartut suliffeqarnermi annertuumik akuutinneqarnerunissaannik iliutsit assigiinngitsut misigilinneqartarsimagaluarput, kisiannili akuutilivinneqarnissaannik sulitorrallaanerumik aaqqiissuteqarnani. Una siunnersuut assorsuaq tikilluaqqunarpoq.

Inuiaqatigiinni suliffeqarfippassuit ukiorpassuanngortuni innuttaasunik immikkut ikiorsertarialinnik sulisoqarusussinnaagaluarlutik sinaakkutissanik erseqqissunik, malitassanik nalorninaatsunik pisussaaffinnillu mianerisarisinnaasanik takussutissaaleqisarnerup nassatarisaanik tunuarsimaartarput aammalu tunuliaqutassaaleqisarput.

Aningaasatigut aaqquissuussinikkut iluaqutissartaqartinneqarnera iluarisimaarnarpoq, taamaasilluni inuiaqatigiinnut annertuumik kajuminnartunngortitsineq, suleqatigiinneq, siunertaqarneq aammalu ikiugassanut ikiuilluarsinnaaneq anguneqartussanngormat.

Inuussutissarsiutiniq ingerlataqartut amerlanerit tunuarsimaaratik akuulersinnaaneranut qulakkeerrinninniarnaq iliutsinik arlariitsigut naalakkersuisut saqqummiussaqrput. Ilaatigut aamma nasuiaatitigut atuarneqarsinnaavoq Qallunaat Nunaanni iliuserisimasat assipalugalugu inatsit suliarineqartut immikkut nunatsinni pissutsinut tulluarsarlugu. Apeqqutigerusunnarpoq misilittagari-neqalersimasut 2015-mi atuutilerneranit maannamut qanoq ittuunersut aammalu inuiaqatigiinnit immikkut tapersersortariaqartut suleqatigilernerini aaqqiissutit qanoq kisitsisitigut isikkoqarnerisut. Namminersorlutik Oqartussat suliffeqarfiutai pineqartillugit inuiaqatigiinnillu aningaasalersorneqartillutik sinneqartoorutinit allatut aningaasaleeqqittarnissamut inissiineqartillugit A/S-it allat assigalugit piumasaqaatit kalluarneqartussanngornerini qanoq aaqqiissuteqassamaarpa?

Isumalluarfiginaqaaq neriulluarnaqaarlu, maanna nunaqqatitta immikkut tapersersortariallit isigineqarnerullutik inuiaqatigiinnut akuunerunissaannut, suleqataanissaannut aammalu inuunermit

Nunatta Qitornai

Inatsisartuni



isumaqarluarnerusumut aqqutissiuunneqarnerat taperserlutigut ataatsimiititaliamut ingerla-
teqqipparput.